





Aug VI 182

Occasionalia  
p. 111  
vol. 22  
W-182.

W-182





**V I R O**  
SVMME REVERENDO ATQVE  
MAGNIFICO,

**DOMINO**  
**VALENTINO ERNESTO**  
**LOESCHERO,**

DOCTORI THEOLOGO ET HVCVSQVE  
IN ACADEMIA VITEMBERGENSI, PROFES  
SORI PVBLICO LONGE CELEBERRIMO, VT ET  
ALVMNORVM SAXON. EPHORO  
GRAVISSIMO,

AD CAPESSENDVM

**AMPLISSIMVM ANTISTITIS DRESDENSIS**  
ET IN SVMMO SENATV ECCLESIASTICO ASSESSORIS  
MVNVS,

A. ∞ DCC IX. AD D. III. KAL. SEXTILIS

HINC DISCEDENTI,

PIETATIS ET OBSERVANTIAE OFFICIVM  
PERSOLVIT

**ORDO ADIVNCTORVM,**  
INTERPRETE

**M. IO. GVILELMO IANO,**  
EID. ORDINI ADSCR.

---

VITEMBERGAE, PRELO GERDESIANO.







Ngens praesidium sacrae, LOESCHERE,  
Sionis,  
Lumen Saxonici delictumque soli,  
Dulce decus nostrae desideriumque Ca-  
menae,

Ac dudum celebris gloria prima domus,  
Accipe, quae pietas tota tibi dedita mente  
Dicitur, et ex imo pectore fundit amor:  
Et quo cunctorum uultu tibi corda reuincis,  
Inque tui cultum numine tacta rapis,  
Deuincti testes animi ne despice uersus,  
Saltem conatus officiumque proba:  
Quamuis nostra tuo discessu percita Musa  
In tenues cogat grandia facta modos.  
Multis iam retro noster te Pindus ab annis  
Nouit et ingenii munera rara tui,  
Iudicii pondus, mentis subtilis acumen,  
Diuina ac hominum cognita scita tibi.  
Quicquid enim Latium doctum, quod Graeca uetustas,  
Aut priscus sacri flos Orientis habet,  
Quae latet annosis sapientia condita fastis,  
Ingenius quicquid scire potest animus,  
Omne tibi teneris infudit Pallas ab annis,  
Atque tuo sedem fixit in ore suam.  
Tota sed in sacro se pectore diua recondit  
Eusebie fucto cincta sodalio.

Hinc




Hinc uirtus in flore tuae matura iuuentae  
Attigit insolito maxima quaeque gradu.  
Haec longe terras radios diffudit in omnes,  
Ut decus hoc cuperet quaelibet esse suum.  
Quod tamen ipsa suae mater praelata forori,  
Obtinuit felix afferuitque sibi,  
Et magni statuit sublimi in sede Lutheri,  
Puris consocians lumina luminibus.  
Scilicet huc tua te pietas, huc summa uocabant  
Numina symmystam, cunctaque uota ducem.  
Iam quid Leucorei memoremus gaudia Phoebi,  
Conuersum in uoces aut Heliconae tuas?  
Quid doctos hilari plaudentes murmure coetus,  
Aut densis iuuenum pulpita cincta globis?  
Nam, uelut exactae post tristia frigora brumae,  
Cum se purpureo uere remittit humus,  
Toto pennigerum magno genus agmine coelo  
Perstrepit, ac laetos edit ubique sonos:  
Sic, post magnorum moestissima funera Vatum,  
Explicuit frontem Leucoris alma suam,  
Laetantesque nouo uegetae doctore cateruae  
Totis Castalidum personuere iugis.  
Excitus ipse humidis pater Albis constitit undis,  
Et fluctus iussit lentius ire suos.  
Nec tamen haec magis iusto ueneratur honore,  
Quam tenero dotes Pindus amore colit.

Ipse



Ipfae namque tua Charites ex fronte refulgent,  
Promicat ingenuus candor et alma fides.  
Alloquio moestos, opera solaris egentes,  
Auxilio miseros consilioque iuuas.  
Hinc quamuis meritas diuina modestia laudes  
Respuat, et famae se generosa neget:  
Quamuis non quaerat laurus, titulosque superbos  
Ipsa sibi demat, quos pudibunda capit:  
Te tamen inuitum curru sectatur eburno,  
Et rapit ad summos gloria laeta gradus.  
Sed nostris, cheu! raptum subducit Athenis  
Inuida, sollicitis nec reuocanda modis.  
Totus enim tristi te uoce requirit Olympus,  
Tam dulci posthac destituendus ope:  
Nec te, quem uotis retinet, precibusque moratur,  
Diulli amplexu fas putat esse suo.  
Si tamen ipse DEVS, summi si iussa Senatus  
Imponunt humeris publica uota tuis,  
Cessemus tandem te sollicitare querelis,  
Demus et hac uictas utilitate manus.  
Sic faustis inuectus equis ad regia pergas  
Moenia, quo celebris fama praeiuit ouans!  
Sic prono semper faueat tibi fidere coelum!  
Sic faueant coeptis Numina laeta bonis!  
Sic sacra fulta tuis uigeat respublica curis!  
Sic per cuncta tibi secula crescat honos!





Ung. VI 182

FLCN









**V I R O**  
**SVMME REVERENDO ATQVE**  
**MAGNIFICO,**  
**DOMINO**  
**VALENTINO ERNESTO**  
**LOESCHERO,**

**THEOLOGO ET HVCVSQVE**  
**MIA VITEMBERGENSI, PROFES**  
**ICO LONGE CELEBERRIMO, VT ET**  
**NORVM SAXON. EPHORO**  
**GRAVISSIMO,**

**AD CAPESSENDVM**

**IVM ANTISTITIS DRESDENSIS**  
**IO SENATV ECCLESIASTICO ASSESSORIS**  
**MVNVS,**

**CCC IX. AD D. III. KAL. SEXTILIS**

**HINC DISCEDENTI,**  
**TATIS ET OBSERVANTIAE OFFICIVM**  
**PERSOLVIT**

**DO ADIVNCTORVM,**  
**INTERPRETE**

**I. IO. GVILELMO IANO,**  
**EID. ORDINI ADSCR.**

**EMBERGAE, PRELO GERDESIANO.**

